

Redovni godišnji sastanak CILAP projekta

27.10.2014 15:19



Redovni godišnji sastanak rukovodstva CILAP projekta i rukovodioca radnih grupa održan je na Vlačiću od 21. do 22. 10. 2014. godine. Svrha sastanka je bila priprema za radni i vremenski plan za 2015. godinu, u skladu sa zahtjevima rukovodioca komponenti, radnih grupa i koordinatora CILAP projekta iskazanim na radionici.

Rukovodioci radnih grupa svake komponente ispred Federalne uprave za geodetske i imovinsko-pravne poslove (FGU) i Republičke uprave za geodetske i imovinsko-pravne poslove RS (RGU RS) su prvog dana sastanka predstavili aktivnosti i ostvarene rezultate u okviru projekta.

U popodnevnoj sesiji vođena je diskusija o planovima i potrebama FGU i RGU RS za podrškom u okviru projekta. Nakon toga rukovodioci radnih grupa su u individualnom radu u okviru svojih komponenti

usaglasili zajedničke i posebne aktivnosti koje su neophodne za unapređenje rada obiju uprava.

Svi učesnici su istakli izuzetno značajne rezultate ostvarene tokom nepunih dviju godina implementacije projekta. Također, gđa Anđa Zimić, direktorica CILAP projekta, je izrazila veliko zadovoljstvo saradnjom s geodetskim upravama, direktorima uprava, koordinatorima i radnim timovima komponenti projekta te istakla izuzetnu posvećenost uprava na postizanju odličnih rezultata u okviru projekta.

Sastanak je bio izuzetno uspješan i postignuti dogovori će omogućiti planiranje aktivnosti na projektu za 2015. godinu, u skladu sa stvarnim potrebama geodetskih uprava. Na osnovu zajedničkog dogovora uradit će se radni i vremenski plan za 2015. godinu, koji će biti predstavljen na sastanku Upravnog odbora CILAP projekta u Trebinju 4. decembra 2014. godine.